



АКАФИСТЫ,  
ЧТОМЫЕ  
В  
СЕМЕЙНЫХ  
НУЖДАХ



# Сборник Акафисты, чтомые в семейных нуждах

*Текст предоставлен правообладателем*

*[http://www.litres.ru/pages/biblio\\_book/?art=50539620](http://www.litres.ru/pages/biblio_book/?art=50539620)*

*Акафисты, чтомые в семейных нуждах : Сатисъ; Санкт-Петербург;*

*1998*

*ISBN 5-7373-0205-09*

## Аннотация

В брошюре собраны акафисты Пресвятой Богородице и святым угодникам Божиим, которые согласно традициям Православной Церкви имеют от Бога особую благодать помогать верующим в различных семейных нуждах.

# Содержание

О небесном благословении брака	5
Акафист святым благоверным князю Петру и княгине Февронии, Муромским чудотворцам	5
Конец ознакомительного фрагмента.	26

# **Акафисты, чтомые в семейных нуждах**

По благословению Епископа Екатеринбургского и Верхотурского

**НИКОНА**



# О небесном благословении брака

## Акафист святым благоверным князю Петру и княгине Февронии, Муромским чудотворцам

### Кондак 1

Избранныи чудотворцы и величии угодницы Господни, града Мурома заступницы и приснии о душах наших молитвенницы, святии благовернии княже Пётре и княгине Февроние! Пение похвальное вам приносяще, молим вы усердно: яко имущии дерзновение ко Господу, предстательством вашим от всяких бед нас свободите, и наследники Царствия Небеснаго нас соделайте, да зовём вам радостно:

Радуйтесь, святии и преславнии чудотворцы Пётре и Февроние.

### Икос 1

Ангели земнии и человецы небеснии воистину явистесь,

блаженнии Пётре и Февроніе, от юности вашае чистую совесть имущии к Бóгу, и добре во благочестии и чистоте вкупе пожившии, нам же оставльшии в пример подражания житие ваше богоугодное, ему́же чудящесе и чудеса ва́шими озаряеми, зовём вам гласы хвалебными сице:

Ра́дуйтеся, от юности вашае Христа́ возлюбившии и Тому от души поработавшии.

Ра́дуйтеся, целомудрия хранители и душевныя и телесныя чистоты рачители.

Ра́дуйтеся, души ваша и телеса на земли в обителище Ду́ха Свята́го уготовившии.

Ра́дуйтеся, исполненнии премудрости и разума Божёственнаго.

Ра́дуйтеся, я́ко во плоти, я́ко безплотни, вкупе пожисте.

Ра́дуйтеся, я́ко равноангельскую честь достойно приясте.

Ра́дуйтеся, я́ко от земли на небо приидосте, и тамо со Ангелы Трбице предстоите.

Ра́дуйтеся, я́ко со безплотными лики трисвятую песнь Ей воспеваеате.

Ра́дуйтеся, на небеси и на земли от Гóспода прославленнии.

Ра́дуйтеся, обретшии вечное всесветлое место упокоения.

Ра́дуйтеся, гра́да Му́рома сокровища пребогатая.

Ра́дуйтеся, источницы неистоцимии чудес.

Ра́дуйтеся, святии и преславнии чудотворцы Пётре и Февроніе.

## Кондак 2

Видев князь Петр в возвратной болезни своей знамение гнева Божия, за неисполнение обета своего, пояти в супруги себе премудрую Февронию, потщася сие исполнити и сочетася с нею браком законным. Обаче и в супружестве целомудренно и богоугодно пожисте, блаженнии, имуще едину мысль во двою телу, еже благоугождати Богу, темже выну поете Ему ныне со Ангелы песнь: Аллилуиа.

## Икос 2

Разумом богопросвещенным свыше одареннии, Пётре и Февронии святїи, любовь и милосердие к бедным и сирым яviste, обидимым и беспомощным заступницы бысте, и иными добродетельми многими украсисте княжение свое земное. Сего ради вопием к вам сице:

Ра́дуйтеся, блаженнии и трблаженнии, в боголюбии пожившии и благоверие сохраниши.

Ра́дуйтеся, милости и сострадания преисполненнии.

Ра́дуйтеся, беспомощных скории помощницы.

Ра́дуйтеся, печальных блазии утешители.

Ра́дуйтеся, сирот и вдовиц кормители.

Ра́дуйтеся, сущих в бедах предстатели.

Ра́дуйтесь, болезней душевных и телесных искуснии целители.

Ра́дуйтесь, скорбных сердец радостотворнии посетители.

Ра́дуйтесь, любовь вашу к Бо́гу, любовию к ближним своим показавшии.

Ра́дуйтесь, кня́жение ваше земное праведно и богоугодно содержавшии.

Ра́дуйтесь, князей православных похвало и гра́да Му́рома утверждение.

Ра́дуйтесь, всея земли Российския заступление.

Ра́дуйтесь, свя́тии и преславнии чудотво́рцы Пётре и Февро́ние.

### Кондак 3

Силою благодати Божия управляем, блаженне кня́же Пётре, восхотел еси паче оставити град отечества твоего и кня́жение Муромское, неже бракоразвестися с премудрою Февро́ниею по настоянию гордых боля́р твоих. Сего ради Бог тя прослави и сотвори, да темиже боля́ры возвращенный вкупе с супружницею твоею, на престоле кня́жения Муромскаго паки утвердился еси, нам же пример хранения Закона Божия показуеши подвигом твоим, да подражающе тебе в святости хранения союза брачнаго, воспеваем Подвигоположнику Христу́: Аллилу́иа.

## Икос 3

Имуще попечение о людех своих, преблаженнии Пётре и Феврѳоніе, неусыпно подвизаетея ко благу их, благочестіе насаждая, нечестіе искореняя, и вражду умиротворяя. Тѣмже и Господь, видя таковыя подвиги ваша, землю Муромскую плодоносием благослови и мир глубок княженію вашему дарова, подвизая люди ваша благодарственно воспевати вам сице:

Ра́дуйтеся, угѳдницы Бѳжии, житію великих святых сопричастницы.

Ра́дуйтеся, правители предобрии, люди муромскія ко спасенію путеволившии.

Ра́дуйтеся, христіанскаго благочестія блюстители.

Ра́дуйтеся, нестроения, раздоров и всякаго нечестія искоренители.

Ра́дуйтеся, супругов христіан ко благочестивому житію наставницы.

Ра́дуйтеся, целомудрія и воздержанія супружескаго образа преизящнии.

Ра́дуйтеся, праведнаго суда рачители.

Ра́дуйтеся, немздоимства и безкорыстія ревнители.

Ра́дуйтеся, святых царей Константина и Елены добродетелей стяжатели.

Ра́дуйтеся, равноапостольнаго князя Владимира и бла-

женныя княгини Ольги достойныи преемницы.

Ра́дуйтесь, двоице пречестная и благое сочетание, лучами чудес немерцаемо сияющи.

Ра́дуйтесь, отечества вашего пресветлии светильницы.

Ра́дуйтесь, святѣи и преславнии чудотворцы Пётре и Феврѳоніе.

## Кондак 4

Буря скорбей и напастей, воздвизаемая злобою мира сего, не ослаби крепкия любви вашей яже к Бо́гу, Пётре и Феврѳоніе блаженнии, но паче научи вас благоискусно отражати разжженныя стрелы искушений диавольских: вы бо оболкшеся в броню веры Христо́вы, в мире глубоце преидосте многомятежную пучину житейскаго моря, и достигосте в тихую пристань спасения, к нейже и нас молитвами ва́шими приведите, да вкупе с вами поем Бо́гу: Аллилу́иа.

## Икос 4

Слышавше ближнии и дальнии благочестное житие ваше, благовернии Пётре и Феврѳоніе, прославляху Человеколюбца Бо́га, даровавшаго вам крепость на вся дела благая, имиже, яко лучами пресветлыми, просиясте в отечестве вашем, идеже и до ныне имена ваша честны, и подвиги ваша воспе-

ваются похвалами сими:

Ра́дуйтеся, двоице пресветлая, Богом совокупленная.

Ра́дуйтеся, светом благочестнаго жития вашего, яко светила богосветлая, просиявшии.

Ра́дуйтеся, милостынею и молитвами Неб́сное Ц́рствие стяжавшии.

Ра́дуйтеся, смирением и пощением вечное блаженство улучившии.

Ра́дуйтеся, яко мзда ваша многа на небесех есть.

Ра́дуйтеся, яко радость ваша вечна во светлостех святых.

Ра́дуйтеся, раби Христо́вы возлюбленнии.

Ра́дуйтеся, святых всех пр́иснии друзи.

Ра́дуйтеся, звезды непрелестнии, путь супружескаго жития богоугоднаго верно указующии.

Ра́дуйтеся, облацы росоноснии, зной страстей и нечестия прогоняющии.

Ра́дуйтеся, Б́жиих милостей и щедрот нам податели.

Ра́дуйтеся, отечества вашего украшение неотъемлемое.

Ра́дуйтеся, святыи и преславнии чудотво́рцы Пётре и Февро́ние.

## Кондак 5

Богопросвещеннии светильницы благочестия и предивнии чудотво́рцы Пётре и Февро́ние, Б́га от всея души возлюбивше, вся заповеди Егб́ сохранисте: темже и Христо́с,

яко солнце и луну пресветлыя, показа вас, преблаженнии, чудес многих зарею озаряющия область Муромскую, и всю страну Российскую, прославив нетлением святых и многоцелебныхъ мощи ваша, к нимже припадающе, по достоянию ублажаемъ вас, и выну благодарственно поемъ дивному во святыхъ Своихъ Бóгу: Аллилу́иа.

## Икос 5

Видевше житие ваше праведное и щедроты ваша, людие муромстии славляху вас, своихъ правителейъ милостивыхъ, благовѣрнии Пётре и Феврѳоніе, вы же смирение истинное возлюбивше и похвалы человеческия небрегше, гордынею неуязвлени пребысте, и темъ покажете намъ образъ вышшаго смирения, ему́же поучаяся, с любовью вопиемъ вамъ таковая:

Ра́дуйтеся, славу человеку ни во что же вменившии.

Ра́дуйтеся, смирение Христо́во усѣрдно возлюбившии.

Ра́дуйтеся, заповедей Господнихъ вернии исполнители.

Ра́дуйтеся, учения Евангельскаго истиннии последователи.

ли.

Ра́дуйтеся, раби Бóга вышняго, волю Егб сотворшии.

Ра́дуйтеся, веру Христо́ву до конца соблюдшии.

Ра́дуйтеся, христоименитымъ людемъ благочестія учителяи.

Ра́дуйтеся, хотящихъ богоугодно жити богомудрии наставницыи.

ницы.

Ра́дуйтеся, молитвами ва́шими спасающии насъ отъ всякихъ

бед.

Ра́дуйтеся, вся благая прошения наша исполняющи.

Ра́дуйтеся, в недузех страждущих благодатнии врачеве.

Ра́дуйтеся, милостивии страны Муромския покровителие.

Ра́дуйтеся, святїи и преславнии чудотворцы Пётре и Феврѳонїе.

## Кондак 6

Проповедницы веры Православныя и ревнители благочестия, не словом токмо, но и всем житием своим, бысте во граде Муроме, прехвальнии Пётре и Феврѳонїе: темже и святая Церковь достойне почитает подвиги и труды ваша, имиже трудистеся во славу Бѳга вышняго, немолчно воспевая Ему: Аллилуїа.

## Икос 6

Возсиясте во граде Муроме светом добродетельнаго жития вашего, яко звезды богосветлыя, преблаженнии Пётре и Феврѳонїе, и память ваша в нем с похвалами до днесь, яко и по смерти своей не престаете озаряти нас, многая чудеса совершающе, и теми светлую зарю безсмертия нам от мощей ваших возсиявающе, да ублажаем вас благохвалении сїце-

выми:

Ра́дуйтеся, чина и уставов святыя Церкви вернии хранители.

Ра́дуйтеся, служителей олтаря Господня благоговейнии почитатели.

Ра́дуйтеся, благих обычаев и преданий святоотеческих ревнители.

Ра́дуйтеся, обычаев злых и суемудрий языческих искоренители.

Ра́дуйтеся, суды нелицеприятны людем ва́шим творившии.

Ра́дуйтеся, суды ваша с милостию соединившии.

Ра́дуйтеся, кротцыи и незлобивии последователи Христо́ви.

Ра́дуйтеся, злобу добром препобеждавшии.

Ра́дуйтеся, нетления благоухающии цветы.

Ра́дуйтеся, безсмертия немерцающии лучи.

Ра́дуйтеся, на земли величием чудес блистающии.

Ра́дуйтеся, на небеси со Ангелы Б́ога славящии.

Ра́дуйтеся, святыи и преславнии чудотворцы Пётре и Февр́оние.

## Кондак 7

Хотяй Человеколюбец Господь явити в житии вашем, Пётре и Февр́оние, образ назидания, не токмо людем мир-

ским, но и ликом иноческим, внуши вам в старости маститей оставити славу княжения земнаго, и восприяти образ иноческий, в немже подвизаетея добре постом, бдением и молитвою, воспевая непрестанно Троединому Богу ангельскую песнь: Аллилу́иа.

## Икос 7

Новую благодать Божию во иночестем пострижении приемише, преподобнии, новыми подвигами украсисте равноангельское житие ваше, и тако сугуб плод совершенства духовнаго Христу́ принесосте, и мзду преподобных достойне от Него восприясте. Поминая убо таковую ревность вашу к подвигом духовным, прославляем вас сими достодолжными похвалами:

Ра́дуйтеся, яко любви ради Го́спода, мира сего княжение и славу остависте.

Ра́дуйтеся, яко иноческое равноангельское житие усердно восприясте.

Ра́дуйтеся, совершеннаго терпения подвижницы.

Ра́дуйтеся, вольныя нищеты блаженнии стяжатели.

Ра́дуйтеся, прежде кончины вашей вся страсти умертвивши воздержанием.

Ра́дуйтеся, восприявшии святую схиму в броню спасения.

Ра́дуйтеся, багряницу княжескую на власяницу иноческую пременившии.

Ра́дуйтеся, постом, бдением и непрестанными молитвами  
Бо́гу добре угодившии.

Ра́дуйтеся, боголюбезнаго уединения взыскатели.

Ра́дуйтеся, спасительнаго безмолвия любители.

Ра́дуйтеся, слезами молитвенными орошении.

Ра́дуйтеся, в сонме преподобных на небеси прославлен-  
нии.

Ра́дуйтеся, святыи и преславнии чудотворцы Пётре и Фев-  
ро́ние!

## Кондак 8

Странное и дивное бе чудо, егда ты, блаженне Пётре, на  
кончине живота твоего, прошения ради супружницы тво-  
ея, святая Февронии, исходом своим умедлил еси, дондеже  
сконча она пелену церковную ею сшиваему, и вкупе с тобою  
к исходу смертному приспе: и тако неразлучнии в житии,  
неразлучни и в кончине явистеся, и во един день и час свя-  
тыя души своя в руце Божии предасте, зовуще присно жи-  
выми и мертвыми обладающему Владыце Бо́гу: Аллилу́иа.

## Икос 8

Вси чудяхуся и славляху дивнаго во святых Свои́х Бо́га,  
егда святая ваша телеса, в разных гробех положенная, чу-

десно обретошася лежаща в общей гробнице, юже уготова-  
сте себе, преподобнии, в соборней Цёркви гра́да Муро́ма,  
идеже и до ныне неразлучно почиваете, чудотворцы свя́тии,  
неоскудная источающе исцеления всем, с верою прибегаю-  
щим к вам и зовущим:

Ра́дуйтесь, союз любви вашей до гроба и за гробом верно  
сохраншии.

Ра́дуйтесь, не токмо в жизни, но и по смерти, о Го́споде  
соединеннии.

Ра́дуйтесь, в супружестем благочестивем житии вам под-  
ражающим крепщии помощницы.

Ра́дуйтесь, теплотою любви вашей и нас согревающии.

Ра́дуйтесь, смертию временною прешедшии к жизни веч-  
ней.

Ра́дуйтесь, от Го́спода нетлением и чудесы прославлен-  
нии.

Ра́дуйтесь, я́ко память ваша с похвалами и успение со свя-  
тыми.

Ра́дуйтесь, я́ко имена ваша честна суть и благословенна  
во отечестве вашем.

Ра́дуйтесь, Российския страны удобрение благодатное.

Ра́дуйтесь, гра́да Муро́ма ограждение несокрушимое.

Ра́дуйтесь, о любящих и чтущих вас небеснии предстате-  
ли.

Ра́дуйтесь, приснопросящии нам у Го́спода дары благодати  
Его́.

Ра́дуйтесь, святыи и преславнии чудотворцы Пётре и Февро́ние.

## Кондак 9

Вси Ангели и святых лики радовахуся радостию велиею, егда святыя души ваша достигоша вечнаго в обителех райских селения, и Сам Творец Ангелов и Святейший святых, Царь славы Христос, безсмертия венцы увенча вас и дарова вам благодать, молитися Ему со дерзновением многим о всех ищущих вашего заступления; егоже не лишите и нас грешных, Пётре и Февро́ние достохвальнии, смиренномудренно воспевающих прославльшему вас Бо́гу хвалебную песнь: Аллилу́иа.

## Икос 9

Витийство человеческое не довлеет к достойному прославлению дивнаго жития вашего, святыи чудотворцы Пётре и Февро́ние: кто бо исповесть вся моления и пощения, болезни и труды ваша; кто изочтет вся слезы и воздыхания ваша яже к Бо́гу; обаче мы, любовию к вам подвизаеми, дерзаем воспевати вам сия малыя и нехитростныя похвалы:

Ра́дуйтесь, благодати Свята́го Ду́ха избраннии сосуди.

Ра́дуйтесь, радости нам вечныя благоприятнии ходатаи.

Ра́дуйтеся, богобоязненных супругов в благочестии утверждение.

Ра́дуйтеся, нарушителей супружескаго целомудрия и согласия грозное обличение.

Ра́дуйтеся, гнев Божий, праведно движимый на нас, молитвами ва́шими утоляющи.

Ра́дуйтеся, о мире всего мира непрестанно Го́спода умоляющи.

Ра́дуйтеся, на враги видимыя и невидимыя крепщии нам споборницы.

Ра́дуйтеся, ангелонравнии человецы.

Ра́дуйтеся, преподобных и праведных сонаследницы.

Ра́дуйтеся, Пресвяты́я Трѳицы вернии угѳдницы.

Ра́дуйтеся, блаженнии обитатели горняго гра́да Иерусалима небеснаго.

Ра́дуйтеся, со святыми торжествующии в скиниях райских.

Ра́дуйтеся, святы́и и преславнии чудотво́рцы Пѳ́тре и Февро́ние.

## Кондак 10

Спасение вечное унаследовавше, богоблаженнии Пѳ́тре и Февро́ние, душами ва́шими в обителех горних неразлучно в Бозе пребываете, святыми же мощами ва́шими в храме Божием нетленно вкупе почиваете, и обильная исцеления ис-

точаете, да чудеса вашими благодатно озаряеми, хвалебно  
взываем Верховному Творцу чудес Бóгу: Аллилу́иа.

## Икос 10

Стену заступления благоприятныя молитвы ваша к Бóгу  
обретше, святїи чудотвóрцы Пётре и Феврóние, благодарне-  
ние Отцú Небесному усёрдно возсылаем за вся благодеяния  
Егó, вами всем нам обильно являемая, вам же, предстателем  
нашим, сицевое приносим пение:

Ра́дуйтесь, всесветлаго Цáрствия Христова наследницы.

Ра́дуйтесь, ангельских ликов собеседницы.

Ра́дуйтесь, Бóга во славе непрístupней созерцающии.

Ра́дуйтесь, Трисияннаго Божества таинницы.

Ра́дуйтесь, со святыми на небеси вечно царствующии.

Ра́дуйтесь, от горних высот к земнородным милостивно  
приникающии.

Ра́дуйтесь, крини благоуханныи небеснаго прозябения.

Ра́дуйтесь, кипариси чудоточнии рая Иисусова.

Ра́дуйтесь, податели независтнии безмезднаго врачеван-  
ния.

Ра́дуйтесь, совершители достохвальнии многих чудес.

Ра́дуйтесь, благодеяний множество нам источающии.

Ра́дуйтесь, милостию сострадания вашего всех объёмлю-  
щии.

Ра́дуйтесь, святїи и преславнии чудотвóрцы Пётре и Фев-

рѳніе.

## Кондак 11

Пѣніе молебное приносим вам, угѳдницы Бѳжии Пѣтре и Феврѳніе, и с любовью припадаем к раце святых и многоцелебных мощей ваших, прославляя житіе ваше богоугѳдное и подвиги многи. Молимся вам усѳрдно, чудотвѳрцы святїи, помозите нам подражати вѳшим добродетелем, да возможем богоугѳдно пети Создателю нашему: Аллилуїа.

## Икос 11

Света небеснаго исполнен бе соборный храм града Мурома, егда благоволением Бѳжиим святыя мощи ваша, Пѣтре и Феврѳніе, целы и благоуханны обретошася в нем, и из недр земных, яко сокровище драгоценное, изнесены быша, идеже и до ныне почивают, исцеления неоскудная источающе недужным и болящим. Сего ради песненно вопіем вам:

Рѳдуйтеся, злато нетленное, в недрах земных обретенное.

Рѳдуйтеся, бисери сияющии и благодатно просвѣщающии человекѳв.

Рѳдуйтеся, святыя Православныя Церкви похвало.

Рѳдуйтеся, ересей и расколов обличение.

Рѳдуйтеся, свети умнии, зарею Святаго Духа облистаю-

щи.

Ра́дуйтесь, мира благоухания Христова преисполнении.

Ра́дуйтесь, облечении в ризу благодатнаго нетления.

Ра́дуйтесь, препоясании силою многих чудес.

Ра́дуйтесь, яко рака ваша честная врачевница явися недугом человеческим.

Ра́дуйтесь, яко от нея всяк с верою приходяй дары целебныя приемлет.

Ра́дуйтесь, светлостию чудес ваших мрак душ на́ших озаряющи.

Ра́дуйтесь, нетлением святых мощей ваших зарю общаго всех воскресения нам показующи.

Ра́дуйтесь, святїи и преславнии чудотворцы Пётре и Февронїе.

## Кондак 12

Благодать свыше вам дарованную познавше, святїи чудотворцы Пётре и Февронїе, с благоговением и любовию покланяемся нетленным и многоцелебным мощем ва́шим, и от них приемлем в недужех исцеление, в скорбех утешение, в бедах благодатную помощь: темже и прославляем вас по достоянию, небесных предстателей и заступников на́ших, воспевая песнь хвалы и благодарения вами благодворящему нам Влады́це Бо́гу: Аллилу́иа.

## Икос 12

Поюще многая и преславная ваша чудеса, величьи угóдницы Бóжии Пётре и Феврòние, ублажаем вас, яко целителей, утешителей и помощников от Гóспода нам дарованных, и молитвенно торжествуем святую память вашу, от любви сердечныя воспевая вам благодарственно и хвалебно:

Ра́дуйтесь, во благоухании святыни нетленно почивающии.

Ра́дуйтесь, с верою приходящих к раце мощей ваших благодатно освящающии.

Ра́дуйтесь, призывающих молитвенно честная имена ваша скории услышатели.

Ра́дуйтесь, упование на вас по Бозе возлагающих дивнии помощницы.

Ра́дуйтесь, известнии умилоствители Царя Небёснаго.

Ра́дуйтесь, сильнии защитницы наши от врагов невидимых.

Ра́дуйтесь, прísнии всем нам ходатаи спасения.

Ра́дуйтесь, неотступнии хранители гра́да Мúрома.

Ра́дуйтесь, князей Российских пречудная доброто.

Ра́дуйтесь, отечества вашего Богом дарованныи покровители.

Ра́дуйтесь, телес на́ших благодатнии целебницы.

Ра́дуйтесь, о душа́х на́ших усерднии ко Гóсподу мо-

літвенницы.

Ра́дуйтесь, святіи и преславнии чудотворцы Пётре и Февро́ние.

## Кондак 13

О святіи и преславнии чудотворцы, благовернии княже Пётре и княгіне Февро́ние! Приимите милостивно сие похва́льное пение, от нас недостойных во умилении вам приносимое, и ва́шим предста́тельством у Го́спода испросите нам утверждение в вере и добрых делех, и избавление от всех скорбей и болезней временных и вечных, да сподобимся вкупе с вами и всеми святыми во Ца́рствии Небеснем пети Пресвятей Трѳице вечно хвалебную песнь: Аллилу́иа.

*Этот кондак читается трижды, затем 1-й икос: «А́нжели земни...» и 1-й кондак: «Избра́ннии чудотворцы...».*

## Молитва

О вели́цыи уго́дницы Бо́жии и предивнии чудотворцы, благовернии княже Пётре и княгіне Февро́ние, гра́да Му́рома предстатели и хранители, и о всех нас усерднии ко Го́споду моли́твенницы: к вам прибегаем и вам мо́лимся со упова́нием крепким: принесите за нас грешных святыя молитвы

ваша ко Гóсподу Бóгу, и испросите нам у благодсти Егó вся благопотребная душам и телесем нашим: веру праву, надежду благу, любовь нелицемерну, благочестие непоколебимое, в добрых делах преуспеяние, мира умирение, земли плодотносие, воздуха благорастворение, душам и телесем здравие и вечное спасение. Испросите Цёркви святей и всей державе Россйстей мир, тишину и благоустроение, и всем нам житие благополучное и добрую христианскую кончину. Оградите отечество ваше, град Муром, и вся грады российскийскя от всякаго зла, и вся правоверныя люди, к вам приходящя и мощем покланяющяся, осените благодатным действием благоприятных молитв ваших, и вся прошения их во благо исполните. Ей, чудотворцы святїи: не презрите молитв нáших, со умилением вам возносимых, но будите о нас прїснии предстатели ко Гóсподу, и сподобите нас помощію вашею святою спасение вечное получитьи и Цáрство Небéсное унаследовати: да славословим неизреченное человеколюбие Отца, и Сына, и Свята́го Дúха, в Трїице покланяемаго Бóга, во веки веков. Амїнь.

# Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.